

Aatsitassanik ikummatissanillu kiisalu erngup nukinganik ingerlatanut Sullivinnik Nakkutilliisoqarfiup nakkutilliineranut sulianillu suliarinninneranut il.il. atatillugu aningaasartuutaanik utertitsineq pillugu nalunaarut

Sullivinni avatangiisit pillugit inatsimmi § 57 b, imm. 1 aamma 4, tak. inatsisitut nalunaarut nr. 1048, 26. oktober 2005-imeersoq, inatsit nr. 461, 15. maj 2017-imeersukkut allanngortinneqartoq malillugu, piginnaatitaanerup kingorna aalajangersarneqarpooq:

§ 1 Nalunaarut nunaminertani sulianik aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat (aatsitassanut ikummatissanullu inatsit) imaluuniit erngup nukingata innaallagissiornermut atorneqartarnera pillugu Inatsisartut inatsisaat (erngup nukinganut inatsit) malillugit akuersissutigineqartunut ilaasunik tamanik Sullivinnik Nakkutilliisoqarfiup nakkutilliinermik suliaqarneranut atorneqassaaq.

Imm. 2. Misissueqqaarnernut, ilisimatuussutsikkut misissuinernut kiisalu aatsitassanut ikummatissanullu inatsit malillugu atorluaanissamut pilersaarummik Naalakkersuisut akuersinerat sioqqullugu misissuinernut nalunaarut atorneqassanngilaq.

Imm. 3. Erngup nukinganik nukissiorfinnik 1. oktober 2010 sioqqullugu akuersissutigineqartunik nakkutilliinermut nalunaarut atorneqassanngilaq.

§ 2 Piginnaatitaasut allallu § 1, imm. 1-imi taaneqartutut akuersissummiq pissarsisimasut nunaminertami akuersissutip atuuffigisaani Sullivinnik Nakkutilliisoqarfiup nakkutilliineranut, sulianik suliarinninnermut tamatumunnga attuumassuteqartumut, kiisalu nakkutilliisut piginnaasaannik immikkut ittumik ineriartortitsinermut akiliuteqartassapput.

Imm. 2. Suliassat ataasiakkaat suliarineranuttu nalunaaquttap akunneri atorneqartutut nalunaorsorneqartut tunngavigalugit Sullivinnik Nakkutilliisoqarfiup nakkutilliinermut sulianillu suliarinninnermut aningaasartuutai naatsorsorneqassapput, taamaattoq tak. imm. 4.

Imm. 3. Sulisunut nakkutilliinermut sulianillu suliarinninnermut peqataasunut aningaasarsiatiqut aningaasartuutit agguaqatigiissinnerat ilanggullugit allaffissornikkut aningaasartuutit sinneri ukiumut suliffiusumut pineqartumut attuumassuteqartut tunngavigalugit nalunaaquttap akunneranut akiliutit naatsorsorneqassapput.

Imm. 4. Piginnaatitaasut allallu § 1, imm. 1-imi taaneqartutut akuersissummiq pissarsisimasut Sullivinnik Nakkutilliisoqarfiup tulliuttunut aningaasartuutaanik akiliuteqassapput:

- 1) Sullivinnik Nakkutilliisoqarfiup sulisuisa Kalaallit Nunaanni piffimmut nakkutilliifsumut tassanngaanniillu angallanneqarnerat,
- 2) nakkutilliinerup ingerlannissaanut nakkutillinerellu atatillugu sulianik suliarinninnermut, ilanggullugu naammagittaalliuuteqartoqarsinnaaneranut kalaallit tuliuillu oqaasii pinnagit oqalutseqarneq nutserisoqarnerlu pisariaqartinneqarpata, oqalutseqarneq nutserisoqarnerlu, aamma
- 3) nakkutilliinerup ingerlanneranut atatillugu nerisaqartitsineq najugaqartitsinerlu.

Imm. 5. Sullivinnik Nakkutilliisoqarfiup aningaasartuutai imm. 4-mi taaneqartut, aningaasartuutit akiligassiineq tunngavigalugu suliassanut ataasiakkaanut attuumassuteqartinneqarsinnaasut tunngavigalugit naatsorsorneqassapput.

- § 3 Nakkutilliinerup sulianillu suliarinninnerup ukiumi tulliuttumi nalinginnaasumik pilersaarutigineqartunit annertuumik annertussutunerunissaat Sullivinnik Nakkutilliisoqarfiup naatsorsuutigippagu, Sullivinnik Nakkutilliisoqarfiup pisinnaatitaasut allallu imm. 1-imi taaneqartutut akuersissummiq pissarsisimasut ukiut ataasiakkaat qaangiutinneranni ilisimatisavai.

Imm. 2. Paasissutissanut imm. 1 malillugu tunniunneqartunut naleqqiullugu ukiup ingerlanerani pingaauteqartunik allanngortoqarpat, imaluuniit nakkutilliinerup sulianillu suliarinninnerup ukiumi tulliuttumi pilersaarutigineqartunit annertusinissaat Sullivinnik Nakkutilliisoqarfiup naatsorsuutigippagu, pisinnaatitaasut allallu imm. 1-imi taaneqartutut akuersissummiq pisimasut piaarnerpaamik tamanna pillugu ilisimatinneqassapput.

- § 4 Akiliinissamut pisussaaffit § 2 malillugu

naatsorsugaasut eqqortinniarlugit,
aningaasartuitit pillugit
akileeqqusissutaaggallartut Sullivinnik
Nakkutilliisoqarfiup qaammatit pingasut
naanerisa tamaasa nassiuuttassavai.

Imm. 2. Ukiumi akiliiffiusumi qaammatinut pingasunut siullernut akileeqqusissummik nassiuussinermut atatillugu, ukiumi pineqartumi akileeqqusigallarnermi nalunaaquttap akunneranut akiliutip qanoq annertutigisup atorneqarnissaq Sullivinnik Nakkutilliisoqarfiup nalunaarutigisassavaa. Ukiumi naatsorsuiffiusumi naammasseqqammersumi nalunaaquttap akunneranut akiliutitut naatsorsornejartoq tunngavigalugu, aningaasartuitit allannguutissaattut missingiunneqartumik naleqqussaalluni nalunaaquttap akunneranut akiliutaagallartoq naatsorsornejassaaq.

§ 5 Ukiup naatsorsuiffiusup naareernerata kingorna nalunaaquttap akunneranut akiliut inaarutaasumik naatsorsugaasoq tunngavigalugu, tak. § 2, imm. 3, ukiumi pineqartumi aningaasat akilerneqartussat Sullivinnik Nakkutilliisoqarfiup naatsorsussavai. Aningaasat

taakku aningaasanut § 4 malillugu akiliutigineqarallartunut naleqqussarneqassapput. Inaarutaasumik naatsorsuinerit ukiup naatsorsuiffiusup naaneraniit kingusinnerpaamik qaammatit sisamat kingorna pisinnaatitaasunut allanullu § 1, imm. 1-imi taaneqatutut akuersissummik pisimasunut nassiuunneqassapput.

§ 6 Nalunaarut manna malillugu aningaasartuinik akileeqqusissutip nassiuunneqarneraniit kingusinnerpaamik ullut 30-t qaangiunneranni akiliisoqassaaq. Akiliutit qularnaveeqqutinik arsaarininnissamut pisinnaatitaaffiliippuit.

§ 7 Nalunaarut 1. juli 2017-imi atuutilerpoq, kiisalu aatsitassanik ikummatissanillu, erngullu nukinganik ingerlatanut, nalunaarutip atuutilernerata kingorna ingerlanneqartunut atatillugu Sullivinnik Nakkutilliisoqarfiup nakkutilliinerani sulianillu suliarinninnerani aningaasartuinik utertitsinermut atuulluni,

BE007285

Beskæftigelsesmin.,
Arbejdstilsynet, j.nr. 20165000718

Arbejdstilsynet, den 12. juni 2017

SØREN KRYHLMAND

/ Anette Lerche